



# SLUŽBENE NOVINE GRADA ZENICA

GODINA L  
Broj 6

Ponedjeljak, 15. 7. 2024. godine

ISSN 1840-4588

## GRADSKO VIJEĆE

92.

Na osnovu člana 21. i 23., a u vezi sa članom 31. Zakona o komunalnim djelatnostima ("Službene novine Zeničko-dobojskog kantona", br. 17/08 i 9/11) i člana 21. Statuta Grada Zenica ("Službene novine Grada Zenica", broj 5/15), Gradsko vijeće Zenica, na 47. sjednici održanoj 5. jula 2024. godine, donosi

### ODLUKU

#### o izmjenama Odluke o komunalnim djelatnostima zajedničke potrošnje

##### Član 1.

Ovom odlukom vrše se izmjene Odluke o komunalnim djelatnostima zajedničke potrošnje ("Službene novine Općine Zenica", br. 7/01, 4/07, 3/08, 1/10, 2/11, 4/13 i 2/14 i "Službene novine Grada Zenica", br. 1/16, 1/18, 4/18, 5/18, 1/19, 1/20, 2/22, 6/22, 1/23 i 2/24).

##### Član 2.

U članu 6. stav (3) briše se.

##### Član 3.

U članu 9. stavovi (2) i (3) brišu se.

##### Član 4.

U članu 12. stav (5) briše se.

##### Član 5.

Član 12a. mijenja se i glasi:

"Vrijednosti bodova komunalne naknade utvrđuje Gradsko vijeće polazeći od planova i programa finansiranja izgradnje i uređenja gradske infrastrukture. Vrijednosti bodova komunalne naknade utvrđuju se posebnom odlukom najkasnije do 31. decembra tekuće godine za narednu godinu.

Ako se vrijednosti bodova komunalne naknade ne utvrde do roka iz stava (1) ovog člana, visina komunalne naknade ostaje nepromijenjena."

##### Član 6.

U članu 14. stavovi (2) i (3) brišu se.

##### Član 7.

Član 17b. briše se.

##### Član 8.

U članu 19a. alineja druga briše se.

##### Član 9.

Zadužuje se Komisija za propise da u roku od 60 dana od dana stupanja na snagu ove odluke sačini prečišćeni tekst.

##### Član 10.

Ova odluka stupa na snagu osmog dana od dana objavljivanja u "Službenim novinama Grada Zenica".

Broj: 01-45-13429/24  
Zenica, 5. 7. 2024. godine

PREDSJEDAVAJUĆI  
GRADSKOG VIJEĆA  
Mirza Husetić, s.r.

## 93.

Na osnovu člana 13. stav 2. alineja peta Zakona o principima lokalne samouprave u Federaciji Bosne i Hercegovine ("Službene novine FBiH", br. 49/06 i 51/09) i člana 21. t. 7. Statuta Grada Zenica ("Službene novine Grada Zenica", broj 5/15) Gradsko vijeće Zenica, na 47. sjednici održanoj 5. jula 2024. godine, donosi

## ODLUKU

**o izmjeni i dopuni Odluke o povjeravanju poslovnih prostora i objekata na upravljanje i korištenje JU "Dom zdravlja" Zenica**

## Član 1.

U članu 2. iza stava dva dodaje se novi stav tri koji glasi:

Osim poslovnih prostora i objekata iz prethodnog stava Grad Zenica povjerava na upravljanje i korištenje poslovne prostore i objekte kako slijedi:

- Ambulante u društvenim domovima:
  1. Arnauti - novi dom
  2. Babino
  3. Donja Gračanica
  4. Gradišće
  5. Lokvine
  6. Lukovo Polje
  7. Mošćanica
  8. Pehare
  9. Seoci
- Ambulante u stambeno-poslovnim zgradama:
  1. Bulevar E. E. Arnautovića br. 6 (Odmut)
  2. Crkvice br. 33
  3. Dr. Ćire Truhelke br. 10 (Radakovo).

## Član 2.

Član 4. mijenja se i glasi:

Na osnovu ove odluke zaključit će se ugovori o korištenju i upravljanju poslovnim prostorima u društvenim domovima, stambeno-poslovnim zgradama i objektima između Grada Zenica i JU "Dom Zdravlja" Zenica na neodređeno vrijeme dok se u istim obavlja djelatnost primarne zdravstvene zaštite.

## Član 3.

Ova odluka stupa na snagu danom donošenja, a objavit će se u "Službenim novinama Grada Zenica".

Broj:01-45-13525/24  
Zenica, 5. 7. 2024. godine

PREDSJEDAVAJUĆI  
GRADSKOG VIJEĆA

Mirza Husetić, s.r.

## 94.

Na osnovu člana 8. stav 3. alineja 9. i člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 21. i 116. Statuta Grada Zenica ("Službene novine Grada Zenica", broj 5/15), člana 21. i 22. Zakona o stvarnim pravima Federacije BiH ("Službene novine Federacije BiH", broj 66/13 i 100/13), a u skladu sa članom VII Sporazuma o saradnji na sprovođenju državnog projekta "Zatvaranje kolektivnih centara kroz omogućavanje javnih stambenih rješenja" u okviru projekta CEB II- podprojekat Grad Zenica broj: 02-49-2435/17 od 14.02.2017., članom 30. Odluke o neprofitnom socijalnom stanovanju ("Službene novine Grada Zenica", broj 5/15) i članom 15. Odluke o stambenom zbrinjavanju korisnika kolektivnih vidova smještaja kroz implementaciju projekta «Zatvaranje kolektivnih centara i alternativnog smještaja putem osiguranja javnih stambenih rješenja» ("Službene novine Grada Zenica", broj 5/15) Gradsko vijeće Zenica, na 47. sjednici održanoj 5. 7. 2024. godine, donosi

## ODLUKU

**o upisu ograničenja prava raspolaganja**

## Član 1.

Ovom odlukom utvrđuje se zabrana raspolaganja – otuđenja i daljeg opterećenja na nekretnini u vlasništvu Grada Zenica na period od 7 (slovima: sedam) godina.

Nekretnina (izgrađeni objekat – zgrada) koja je predmet upisa ograničenja prava raspolaganja označena je kao k.č. broj 1047/6, Zgrada Radničko naselje, u površini od 450 m<sup>2</sup>, upisana u ZK uložak broj: 1051 KO ZENICA III.

**Član 2.**

Kod Općinskog suda Zenica ishodit će se upis zabilježbe zabrane raspolaganja na nekretnini u smislu člana 1. ove odluke, a upis predmetne zabrane raspolaganja provest će Gradonačelnik.

**Član 3.**

Ova odluka stupa na snagu danom donošenja i ista će se objaviti u „Službenim novinama Grada Zenica“.

Broj: 01-45-13521/24

Zenica, 5. 7. 2024. godine

PREDSJEDAVAJUĆI  
GRADSKOG VIJEĆA

Mirza Husetić, s.r.

**95.**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06 i 51/09), člana 80. stav (2) i člana 116. Statuta Grada Zenica („Službene novine Grada Zenica“, broj 5/15) i člana 37. Poslovnika Gradskog vijeća („Službene novine Grada Zenica“, broj 4/17, 4/20 i 10/21) Gradsko vijeće Zenica, na 47. sjednici održanoj 5. jula 2024. godine, donijelo je

**ODLUKU****o utvrđivanju naknade u vezi s radom i angažmanom u savjetima mjesnih zajednica Grada Zenica za 2024. godinu****Član 1.**

(1) Ovom odlukom utvrđuje se iznos i način isplate naknade za rad i angažman predsjednika i članova savjeta mjesnih zajednica Grada Zenica za 2024. godinu.

(2) Pravo na naknadu za rad i angažman pripada i povjerenicima mjesnih zajednica koji su imenovani rješenjem Gradonačelnika.

**Član 2.**

Sredstva za isplatu naknade za rad i angažman predsjednika, povjerenika i članova savjeta mjesnih zajednica obezbijedena su Budžetom Grada Zenica za 2024. godinu u iznosu od 110.000,00 KM.

**Član 3.**

(1) U skladu s raspoloživim budžetskim sredstvima iznos naknade za rad i angažman za 2024. godinu raspoređuje se kako slijedi:

- predsjednik i članovi savjeta mjesne zajednice 1.518,00 KM ukupan neto iznos

- povjerenik mjesne zajednice 759,00 KM ukupan neto iznos

(2) Isplata naknade iz prethodnog stava ovog člana izvršiće se jednokratno najkasnije do 31.12.2024. godine.

**Član 4.**

(1) Pojedinačni iznosi naknade predsjednika i članova savjeta mjesne zajednice utvrđuju se odlukom savjeta mjesne zajednice, na način da predsjedniku, odnosno povjereniku pripada naknada u ukupnom neto iznosu od 759,00 KM, a preostali dio iz člana 3. stav (1) alineja prva se dijeli ostalim članovima savjeta mjesne zajednice.

(2) Odluku iz prethodnog stava ovog člana predsjednik savjeta mjesne zajednice dužan je dostaviti gradskoj službi nadležnoj za poslove mjesnih zajednica u roku od 15 (petnaest) dana od dana stupanja na snagu ove Odluke.

(3) Ukoliko se u toku obračunskog perioda imenuje novi član savjeta, odnosno povjerenik mjesne zajednice, obračun i isplata naknade iz člana 3. ove odluke razriješenom i imenovanom povjereniku izvršit će se srazmjerno vremenu provedenom na toj funkciji.

**Član 5.**

(1) U skladu sa ovom odlukom i odlukama savjeta mjesnih zajednica, gradska služba nadležna za poslove mjesnih zajednica će sačiniti prijedlog akta o iznosima i načinu isplate pojedinačnih naknada za 2024. godinu.

(2) Akt o iznosima i načinu isplate pojedinačnih naknada donosi Gradonačelnik.

**Član 6.**

Ova odluka stupa na snagu prvog dana od dana objavljivanja u „Službenim novinama Grada Zenica“.

Broj: 01-45-13615/24

Zenica, 5. 7. 2024. godine

PREDSJEDAVAJUĆI  
GRADSKOG VIJEĆA

Mirza Husetić, s.r.

96.

Na osnovu člana 223. stav (2) Zakona o upravnom postupku („Službene novine FBiH“, broj: 2/98, 48/99 i 61/22) i člana 21. tačka 18. Statuta Grada Zenica („Službene novine Grada Zenica“, broj 5/15), Gradsko vijeće Zenica na 47. sjednici održanoj dana 5. 7. 2024. godine donosi

### RJEŠENJE

#### **o dopunama Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku**

##### I

U Rješenju o imenovanju Drugostepene komisije za rješavanje po žalbi protiv rješenja u prvostepenom upravnom postupku broj: 01-45-4774/23 od 09.03.2023. godine („Sl. novine Grada Zenica“, br. 3/23) (u daljem tekstu: Komisija) u tački I iza stava 1. dodaje se novi stav koji glasi:

“Članica Komisije Ivana Đukić ovlašćuje se za potpisivanje akata Komisije u odsutnosti predsjednice Komisije.

##### II

Iza tačke I dodaje se nova tačka II koja glasi:

“Za zamjenske članove Komisije imenuju se:

1. Jasenka Hadžić, zamjenski član
2. Tea Pinjić, zamjenski član
3. Zoran Kustura, zamjenski član

Za obavljanje administrativo-tehničkih poslova za potrebe Komisije određuje se Selma Bajramović”.

##### III

Dosadašnje tačke II do V postaju tačke III do VI.

##### IV

Ovo rješenje stupa na snagu danom donošenja i objavit će se u “Službenim novinama Grada Zenica”.

Broj: 01-45-13535/24  
Zenica, 5. 7. 2024. godine

PREDSJEDAVAJUĆI  
GRADSKOG VIJEĆA  
Mirza Husetić, s.r.

### GRADONAČELNIK

97.

Na osnovu člana 59. Zakona o budžetima u FBiH (“Službene novine FBiH”, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica (“Službene novine Grada Zenica”, broj 5/15), člana 25. Odluke o izvršavanju Budžeta Grada Zenica za 2024. godinu (“Službene novine Grada Zenica”, broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe civilne zaštite, Gradonačelnik Zenice donosi

### ZAKLJUČAK

#### **o preraspodjeli sredstava u Budžetu Grada Zenica za 2024. godinu**

##### I

Odobrava se preraspodjela sredstava Budžeta Grada Zenica za 2024. godinu (“Službene novine Grada Zenica”, broj 1/24) na organizacionom kodu 60010001 – Služba civilne zaštite.

##### II

Preraspodjela sredstava iz tačke I vrši se na sljedeći način:

##### **Umanjuje se:**

- ekonomski kod 613700, funkcija 0323, budžetska pozicija 229 – “Izdaci za tekuće održavanje” za iznos od 445.000,00 KM i

##### **Formira se nova budžetska pozicija:**

- ekonomski kod 821600, funkcija 0323, budžetska pozicija 232A – “Rekonstrukcija i investiciono održavanje” u iznosu od 445.000,00 KM.

##### III

Za realizaciju ovog zaključka zadužuju se Služba civilne zaštite i Služba za finansije.

##### IV

Ovaj zaključak stupa na snagu danom donošenja, a objavit će se u “Službenim novinama Grada Zenica”.

Broj: 02-40-13093/24  
Zenica, 05.07.2024. godine

GRADONAČELNIK  
Fuad Kasumović, s.r.

98.

Na osnovu člana 59. Zakona o budžetima u FBiH ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 34. Statuta Grada Zenica ("Službene novine Grada Zenica", broj 5/15), člana 25. Odluke o izvršavanju Budžeta Grada Zenica za 2024. godinu ("Službene novine Grada Zenica", broj 1/24) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za socijalnu zaštitu, stambene poslove i društvene djelatnosti Gradonačelnik Zenice donosi

### ZAKLJUČAK

#### o preraspodjeli sredstava u Budžetu Grada Zenica za 2024. godinu

##### I

Odobrava se preraspodjela sredstava Budžeta Grada Zenica za 2024. godinu ("Službene novine Grada Zenica", broj 1/24) na organizacionom kodu 59010001 – Služba za socijalnu zaštitu, stambene poslove i društvene djelatnosti.

##### II

Preraspodjela sredstava iz tačke I vrši se na sljedeći način:

##### Umanjuje se:

- ekonomski kod 614200, funkcija 1099, budžetska pozicija 123B – "Transferi pojedincima – realizacija podrške sistema prihvata i integracije bh državljana koji se vraćaju po osnovu sporazuma o readmisiji - BiH" za iznos od 18.000,00 KM.

##### Formira se nova budžetska pozicija:

- ekonomski kod 614300, funkcija 1098, budžetska pozicija 147A – "Transferi neprofitnim organizacijama – realizacija podrške sistema prihvata i integracije bh državljana koji se vraćaju po osnovu sporazuma o readmisiji – BiH" u iznosu od 18.000,00 KM.

##### III

Za realizaciju ovog zaključka zadužuju se Služba za socijalnu zaštitu, stambene poslove i društvene djelatnosti i Služba za finansije.

IV

Ovaj zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-13023/24  
Zenica, 09.07.2024. godine

GRADONAČELNIK  
Fuad Kasumović, s.r.

99.

Na osnovu člana 234. tačka k) Zakona o privrednim društvima ("Službene novine Federacije BiH", broj: 81/15 i 75/21), člana 24. Statuta Zeničke razvojne agencije ZEDA d.o.o. Zenica, broj: 02-49-4244/17, 02-45-10243/21 i 02-24-18758/22, a u vezi s članom 34. tačka 6) Statuta Grada Zenica („Službene novine Grada Zenica”, broj: 5/15), te na osnovu Zahtjeva za razrješenje podnesenog od strane Ajle Čosić, dana 04.07.2024. godine, Gradonačelnik Grada Zenica vršeći ovlaštenja Skupštine Zeničke razvojne agencije ZEDA d.o.o. Zenica, donosi

### RJEŠENJE

#### o razrješenju dužnosti člana Nadzornog odbora Zeničke razvojne agencije ZEDA d.o.o. Zenica

##### I

Ajla Čosić, diplomirani inženjer informacionih sistema, razrješava se dužnosti člana Nadzornog odbora Zeničke razvojne agencije ZEDA d.o.o. Zenica u koji je imenovana Rješenjem Gradonačelnika broj: 02-45-6682/23 od 30.03.2023. godine, prije isteka mandata, na lični zahtjev.

##### II

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-13054/24  
Zenica, 04.07.2024. godine

GRADONAČELNIK  
Fuad Kasumović, s.r.

**100.**

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06 i 51/09), člana 34. tačka 6) Statuta Grada Zenica ("Službene novine Grada Zenica", broj: 5/15), Gradonačelnik Grada Zenica donosi

**RJEŠENJE****o imenovanju na kraći period člana  
Nadzornog odbora Zeničke razvojne agencije  
ZEDA d.o.o. Zenica****I**

**Amra Mehmedić**, diplomirani ekonomista, imenuje se za člana Nadzornog odbora Zeničke razvojne agencije ZEDA d.o.o. Zenica na kraći period, do okončanja konkursne procedure po oglasu, a najduže na period od tri mjeseca.

**II**

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-45-13055/24  
Zenica, 04.07.2024. godine

GRADONAČELNIK  
Fuad Kasumović, s.r.

**101.**

Na osnovu člana 10. tačka 4. Zakona o udruženjima i fondacijama („Službene novine Federacije BiH“, broj 45/02) i člana 34. tačka 6. Statuta Grada Zenica („Službene novine Grada Zenica“, broj 5/15), Gradonačelnik Grada Zenice donosi

**ZAKLJUČAK****o odobravanju unošenja naziva grada Zenica  
u naziv udruženja****I**

Odobrava se Udruženju starodobnih/starovremenskih vozila „Klasik“ Zenica, skraćeni naziv OTK „Klasik“ Zenica, unošenje naziva grada Zenica u naziv udruženja.

**II**

Upotreba naziva grada Zenica se odobrava s ciljem promocije grada i doprinosa njegovoj prepoznatljivosti, te se u svrhe suprotne navedenim ciljevima ne može koristiti.

**III**

Ovaj zaključak stupa na snagu narednog dana od dana objave u „Službenim novinama Grada Zenica“.

Broj: 02-45-13220/24  
Zenica, 08.07.2024. godine

GRADONAČELNIK  
Fuad Kasumović, s.r.



## SADRŽAJ

### GRADSKO VIJEĆE

92. Odluka o izmjenama Odluke o komunalnim djelatnostima zajedničke potrošnje 1
93. Odluka o izmjeni i dopuni Odluke o povjeravanju poslovnih prostora i objekata na upravljanje i korištenje JU "Dom zdravlja" Zenica 2
94. Odluka o upisu ograničenja prava raspolaganja 2
95. Odluka o utvrđivanju naknade u vezi s radom i angažmanom u savjetima mjesnih zajednica Grada Zenica za 2024. godinu 3
96. Rješenje o dopunama Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku 4

### GRADONAČELNIK

97. Zaključak o preraspodjeli sredstava u Budžetu Grada Zenica za 2024. godinu 4
98. Zaključak o preraspodjeli sredstava u Budžetu Grada Zenica za 2024. godinu 5
99. Rješenje o razrješenju dužnosti člana Nadzornog odbora Zeničke razvojne agencije ZEDA d.o.o. Zenica 5
100. Rješenje o imenovanju na kraći period člana Nadzornog odbora Zeničke razvojne agencije ZEDA d.o.o. Zenica 6
101. Zaključak o odobravanju unošenja naziva grada Zenica u naziv udruženja 6